

B  
128

(H561H)

1685

V.3





同治九年

正月

初一日

丁未

正月

初一日

戊申

正月

初一日

己酉

正月

初一日

庚戌

正月

初一日

辛亥

正月

初一日

壬子

正月

初一日

癸丑

正月

初一日

甲寅

正月

初一日







閑道錄卷下

吉水羅麗

受業門人吳郡韓莢同校

雪川徐倬

開發遮迷易破除謬妄難

嘿○識○必○有○所○識○嘿○成○必○有○所○成○豈○是○沉○空○守○寂○

孟子曰、人之所以異於禽獸者幾希、予曰、人之所以  
同於聖賢者幾希、去則爲跖、爲跽、違禽獸不遠、存  
則爲堯、爲舜、與天地同流、所謂毫釐千里也。



堯舜幽厲孔顏躋跖本體何曾差池一毫畢竟堯舜  
成了堯舜幽厲成了幽厲孔顏成了孔顏躋跖成  
了躋跖其故安在豈天之降材爾殊耶可以醒矣  
分明是現成的狂愚便認做現成的聖賢非愚之所  
敢知矣

告子只要打破孟子善字東坡只要打破程子敬字  
迨陽明之說行善字敬字一齊破碎矣

呂文簡曰格物之義自伏羲以來未之有改也仰觀  
天文俯察地理遠求諸物近取諸身其觀察求取



卽是窮格之義。

有物必有則。則者理也。格物卽是窮理。理者善也。窮理卽是明善。

物不格。知不至。將有自以爲誠。而未必誠。自以爲正。而未必正。自以爲修。而未必修者矣。毫釐千里之謬。實原于此也。

譚良知者。皆以物爲外。以格物爲徇外。不知格物只是窮理。窮理便是盡心。心卽理也。理卽心也。物卽理也。心卽物也。理無內外。心有內外乎。心無內外。



物有內外乎○無內外○安有精粗○無精粗○安有彼此○  
卽物卽知○卽格卽至○本無二理○本非二事○又何疑  
焉○

致知在格物○猶云○盡心在窮理也○理未窮○其所謂心○  
只是習念○非真心也○物未格○其所謂知○乃是妄見○  
非真知也○儒者之流入釋氏○病根在此○

致知在格物○一本而萬殊○各具一太極○天下莫能破  
焉○物格而知至○萬殊而一本○統體一太極○天下莫  
能載焉○



吉人爲善。唯日不足。那有閒口講閒話。閒耳聽閒話。玩物是放心。格物是盡心。二者正自相反。

學莫要於存心。是已。但恐所存者未必是心。正使真能存得。纔足爲累。蓋自世微道喪。學鮮真傳。詖淫邪遁之言。克滿宇內。溺於其說者。毒入膏肓。牢不可解。終日努目張眉。撐拳揮棒。以情慾爲天真。以幻想爲本體。其所謂心者。或光景之滉漾。或意見之迷沉。或懸空想像。而胸臆偶開。或緣境揣摩。而靈明乍露。妄生妄滅。倏起倏消。用力愈多。去心愈



遠○故○學○者○先○論○其○是○不○是○然○後○論○其○存○不○存○若○未  
免○認○賊○作○子○指○石○爲○玉○將○日○顛○月○狂○無○復○有○轉○頭  
日○子○矣○

今○人○亦○有○所○見○却○不○是○真○性○只○窺○覷○得○箇○閃○閃○爍○爍  
的○光○景○亦○有○所○守○却○不○是○本○心○只○把○捉○得○箇○膠○膠  
擾○擾○的○念○頭○閃○閃○爍○爍○的○是○氣○不○是○理○膠○膠○擾○擾  
的○是○欲○不○是○理○理○卽○天○也○天○卽○理○也○天○理○纔○是○真  
性○纔○是○本○心○所○謂○善○也○明○者○明○此○也○誠○者○誠○此○也  
此○性○命○根○源○學○問○頭○腦○此○處○差○則○都○差○是○則○都○是



天○理○二○字○未○曾○體○貼○出○來○講○甚○麼○心○講○甚○麼○性○讲○甚○麼○道○

天○理○本○不○待○安○排○何○等○自○然○本○無○容○造○作○何○等○現○成○立○意○求○自○然○自○然○正○是○安○排○立○意○討○現○成○現○成○正○是○造○作○

善○者○天○理○也○存○是○存○這○天○理○養○是○養○這○天○理○今○人○只○守○着○一○點○虛○靜○的○影○子○習○得○一○箇○寬○舒○的○樣○子○與○聖○賢○存○養○之○實○奚○啻○萬○里○

非○解○字○則○叅○話○那○有○實○際○



認虛見爲上乘。認幻想爲超悟。認精魂播弄爲天機。  
活潑認靈明閃爍爲道體。呈現安得不誤。却一生。  
世儒非苦苦逼迫。則悠悠現成。逼迫便是安排。現成  
便成放倒。

既爲山木。又爲斧斤。既爲萌蘖。又爲牛羊。試問伐的。  
是誰所伐的。又是誰牧的。是誰所牧的。又是誰真。  
是自戕。自賊。自害。自滅。毫不干涉他人。

理明則心定。

掠虛影。墮實業。世儒通病。



古人無間斷是本體存存今人無間斷是妄想營營  
世人無真正學爲聖賢之志日用工夫不過粧點文  
貌應副格套以之博聲名美聽觀而已到底勾當  
得甚事

聖○賢○所○謂○靜○無○欲○而○已○所○謂○敬○循○理○而○已○無○欲○便○是○  
靜○循○理○便○是○敬○今○之○學○者○坐○蒲○面○壁○以○爲○主○靜○大○  
袖○寬○袍○以○爲○主○敬○噫○誤○矣○

今人有體而非本體體非其體有用而非本用用非  
其用



或謂佛老無用而有體申韓無體而有用非也佛老  
無用之體不可以爲體申韓無體之用不可以爲  
用天下無無用之體無無體之用無有體無用有  
用無體之道也

世儒遏絕思慮以爲操存捉住念頭以爲持守分明  
墮入異學而不知也這物事本合內外通寂感包  
體用統性情渾然一太極之妙唯一主於敬則該  
本末徹表裏渾精粗兼巨細無非太極本然之妙  
也試思這物事何等神妙何等虛靈如何遏絕得



如何捉住得聖賢教人只一主敬是箇指訣是箇要法何嘗要遏絕他何嘗要捉住他學者特未之

思耳

止○可○無○私○心○豈○可○無○心○止○可○無○妄○思○豈○可○無○思○

易曰君子思不出其位詩曰思無邪論語曰近思中

庸曰慎思聖賢之言非教人以廢思正教人以善

思也心君也志帥也一身之主萬事之綱也天之

所與我者莫大乎是若如禪家所云一念不起言

思路絕是必欲措其衷於空虛無用之地如頑石



枯木而後已也。不知天之生斯民也。何故而皆與此贅物乎。此非愚之所解也。

不當思而思。是膠擾馳騖衆人之失其本心也。當思而不思。是死木槁灰二氏之滅其天性也。

厭事務。越多事務。息思慮。越添思慮。行所無事。思所當爲。廓然大公。物來順應。如是而已耳。

本是家常日用。大驚小怪甚麼。

駕虛翼。僞表異。亂真吾道之賊也。

自姚江提宗以來。學者以不檢飭爲自然。以無忌憚



爲圓妙以恣情縱慾同流合污爲神化以滅理敗  
常毀經弃法爲超脫道術人心敝久壞極若非東  
林諸子迴狂瀾於橫流汎濫之中燃死灰於燼盡  
烟寒之後茫茫宇宙竟不知天理人倫爲何物矣  
然積習難除幾微易汨守先待後吾黨之責也願  
與同志共勉之

於○可○知○處○求○不○可○知○不○可○知○者○可○知○矣○於○可○見○處○求○  
不○可○見○不○可○見○者○可○見○矣○於○不○可○知○處○求○不○可○知○  
并○可○知○者○亦○不○知○矣○於○不○可○見○處○求○不○可○見○并○可○



見者亦不見矣。此儒佛之辨。朱陸之分。薛王之異也。

乾健故易。非容易之易。坤順故簡。非苟簡之簡。高者只一段虛光。景下者只一場空議論。誠近來學者通患也。

世儒愛儻侗而厭分疏。喜顚預而惡詳細。凡遇道理精微曲折處。都囫圇混去。鶻突滾過。更不去潛心玩索。仔細參詳。舉聖經賢傳。皆鄙爲支離。斥爲瑣屑。大都只是忽卑近。鶻高遠。畏繁難。希簡捷。到底



只做得個狂瞽癡呆漢也。

聖○賢○真○無○虧○欠○猶○恐○有○虧○欠○真○無○間○斷○猶○恐○有○間○斷○  
世○人○實○有○虧○欠○冒○認○爲○無○虧○欠○實○有○間○斷○冒○認○爲○  
無○間○斷○此○聖○賢○之○所○以○爲○聖○賢○而○世○人○之○所○以○爲○  
世○人○也○

大○賢○大○聖○都○從○這○愚○夫○愚○婦○脚○底○來○小○子○後○生○便○跳○  
在○大○聖○大○賢○頭○上○去○吁○誠○可○訝○也○

生○安○神○聖○只○要○做○困○勉○的○工○夫○初○學○下○根○便○要○討○神○  
聖○的○快○活○多○見○其○不○知○量○也○



合下便是不用修爲一切都是不須防檢近來學者  
大率皆是此種議論只愛徑捷只喜便易自誤誤  
人自誑誑人是誠以學術禍天下也彼開端作俑  
者卽欲少追其辜得乎  
工夫畧不平實道理畧不庸常便會落玄妙窟子裏  
去作擎拳舞掌生活也

今之學者說着五經四書便以爲頭巾語學究氣然  
則彼之所以爲學者可知矣

陽明之後學者皆譚玄妙尚圓通毘盧性海虛空法



界何嘗不玄妙只是無着落千峯頂上十字街頭  
何嘗不圓通只是無忌憚

玄妙者笑宋儒之淺近圓通者笑宋儒之拘泥徑捷  
者笑宋儒之支離儻侗者笑宋儒之瑣屑馳騁者  
笑宋儒之迂疎炫爛者笑宋儒之固陋不知宋儒  
之所以上承往聖下開來學垂之久遠而莫或能  
易者正在此也

今人言學在學問思辨行之外言性在仁義禮智信  
之外言道在君臣父子夫婦昆弟朋友之外雖孔



子復生亦未如之何也已。

初學一番疑難一番覺悟一番奮迅一番精進。

語上而遺下求精而弃粗判心迹岐事理使道常無用於天下世儒求高鶩遠之過也。

心與理無二不可析之而爲二心與理本一不待合之而後一。

心卽理也盡之者亦理理卽心也窮之者亦心未窮之理卽未盡之心不可以爲心也未盡之心卽未窮之理不可以爲理也。



昔之學禪者。軒禪輕儒。而駕出吾儒之上。今之學禪者。借儒崇禪。而竄入吾儒之中。學儒而流於禪者。以似是亂真。而儒之名。濫學禪而託爲儒者。以真非滅。是而儒之實亡。

儒而流於禪者。名尊孔孟。而實夷之。佛氏之下。禪而託之儒者。陽貶佛祖。而陰擠之。聖人之上。假儒諱言禪。而儒亂矣。真禪冒認儒。而禪尊矣。

在我曰萬物一本。所以斥二氏之非。爲真是者。正其統也。在彼曰三教一家。所以表二氏之是。爲似是。



者破其防也

昔之佛老猶是門庭之寇今之狂禪則爲堂奧之賊矣昔之佛老猶是膚骨之疾今之狂禪遂成心髓之毒矣

昔之辨辨其畔儒者今之辨辨其溷儒者昔之辨辨其佞禪者今之辨辨其諱禪者昔之辨辨其似禪之儒今之辨辨其似儒之禪昔之辨辨其歸禪之假儒今之辨辨其歸儒之真禪昔之辨正其儒禪之名使彼不得淆其實今之辨剖其禪儒之實使



彼不得竊其名

昔之儒在儒之中今之儒在儒之外昔之禪在禪之中今之禪在禪之外昔之儒以儒爲儒今之儒以儒爲禪昔之禪以禪爲禪今之禪以儒爲禪昔之儒儒其名而儒其實今之儒儒其名而禪其實昔之禪禪其實而禪其名今之禪禪其實而儒其名昔之儒內儒而外儒今之儒內禪而外儒昔之禪外禪而內禪今之禪外儒而內禪曠觀今日皆儒也而皆禪也名皆儒也而實皆禪也非禪之過而



儒之過也。非真禪之過。而假儒之過也。是烏得不

辨。烏得不深爲辨哉。

道之明也。無儒而有儒。有禪而無禪。道之晦也。有儒而無儒。無禪而有禪。

薛胡在姚江之前。爲其易。顧高在姚江之後。爲其難。象山之所謂心。分明是告子之心。陽明之所謂性。分明是告子之性。雖有善辨者。不能代爲之解免也。明其可知。而不惑於不可知。勉其可行。而不驚於不可行。聖人之徒也。舍其可知。而索之不可知。弃其



可○行○而○求○之○不○可○行○異○學○之○誤○也○

吾○儒○之○學○只○是○人○倫○日○用○布○帛○菽○粟○之○常○而○窮○神○達○  
化○之○妙○卽○在○其○中○思○之○而○無○不○可○知○之○理○爲○之○而○  
無○不○可○見○之○事○何○等○明○白○昭○著○何○等○顯○易○平○實○若○  
老○佛○之○說○幽○杳○陰○暗○怪○誕○詭○僻○不○可○摸○捉○不○可○方○  
物○詰○之○而○總○不○可○知○求○之○而○總○不○可○見○翻○騰○播○弄○  
以○神○其○奸○躲○閃○變○幻○以○藏○其○陋○誠○青○天○白○日○之○么○  
魔○明○晝○大○都○之○魑○魅○宜○其○不○可○容○於○唐○虞○三○代○之○  
世○也○



看三藏十二部五千四百八十卷佛經。不如讀一章小學。

寧可數墨尋行。拘泥陳迹。不可談神說妙。翻弄新奇。  
寧可樸實椎魯。甘爲下士。不可圓熟曠達。號曰聞人。  
寧可顛斤樸兩。爲狹隘規模之細儒。不可高視濶步。爲蕩軼繩檢之豪傑。  
寧可爲有破綻之狂狷。不可爲無忌憚之中庸。  
寧可硜硜自守。爲必信必果之小人。不可閹然媚世。爲無舉無刺之鄉愿。  
寧可摘句尋章。爲聖門之末學。不可擎拳豎拂。爲菩提。



提之上乘。寧可倚識解。墮言詮。斥爲佛祖之外道。不可弄精魂。蔑倫理。目爲孔孟之罪人。

古人自幼教之以誠敬。如灑掃應對之類是也。今人自幼教之以虛僞。如詩詞制義之類是也。

古人之學。所以養心。今人之學。適以害心。

俗學不明心。安能明經。異學不明經。安能明心。心是無形之經。經是有形之心。以經傳經。以心印心。以心治經。以經證心。合外內之道也。

俗學只是要加異學。只是要減。不知這物事。完完足



足停停當當加也沒處加得一些減也沒處減得一些

俗學論性失之低異學論性失之高俗學滯於有和人欲也有了異學淪於無連天理也無了皆不知明善之故也

這物事干係甚大塞上塞下亘古亘今在在克滿時時周到取之不得捨之不得加之不得減之不得無智無愚無賢無衆合下皆有生來各足不絕不續不欠不零所謂本體是也但俗學一味蔽錮自



家埋倒了自家的異學一味超脫自家拋棄了自  
家的吾儒只是還他本色沒一些走作沒一點攙  
和沒一毫虧欠沒一分夾帶沒一隙罅滲沒一刻  
間歇乾乾淨淨圓圓滿滿適如其賦畀之初彝秉  
之良而已

無聲無臭言帝載之不墮聲臭也無思無爲言太極  
之不假思爲也不學不慮言良知良能之不由學  
慮也皆是指這實理而極言其微妙耳吾儒之言  
無者如此非二氏虛空寂滅恍惚杳冥之說也故



曰○吾○儒○以○有○無○爲○一○二○氏○以○有○無○爲○二○

無○思○無○爲○不○在○思○爲○之○外○不○學○不○慮○不○在○思○慮○之○外○  
思○只○思○這○無○思○的○爲○只○爲○這○無○爲○的○學○只○學○這○不○  
學○的○慮○只○慮○這○不○慮○的○無○思○無○爲○何○曾○少○得○思○爲○  
不○學○不○慮○何○曾○廢○得○學○慮○無○思○之○思○無○爲○之○爲○何○  
害○其○無○思○無○爲○不○學○之○學○不○慮○之○慮○何○害○其○不○學○  
不○慮○錯○認○本○體○以○無○思○無○爲○不○學○不○慮○爲○玄○空○爲○  
自○在○爲○不○致○毫○力○爲○不○起○一○念○錯○認○本○體○因○錯○認○  
工○夫○以○思○爲○學○慮○爲○贅○外○爲○襲○義○爲○倚○靠○墮○落○爲○



幫貼障蔽殊不知聖賢之所謂無思無爲不學不  
慮者果指何物且旣曰無思無爲不學不慮矣而  
復諄諄教人以思爲學慮之方者豈聖賢立言自  
相矛盾有如是耶學者所當深長思之也

吾儒所謂思只思其無思而已所謂爲只爲其無爲  
而已世俗思非其思是曰妄思爲非其爲是曰妄  
爲佛氏一味無思一味無爲一味無思而勢不能  
不思一味無爲而勢不能不爲不能不思不能不  
爲究之思非所當思爲非所當爲止謂之妄思妄



爲而已。此佛氏之所以似高於吾儒而實同於世俗也。

人若信得及。何愁不肯向前進學。不力爲善。不勇只是信不及。

孔子曰。人之生也。直。不曾說有直。有曲。不曾說無直。無曲。孟子曰。性善。不曾說有善。有惡。不曾說無善。無惡。

曰。無善。無善。非惡。而何。曰。有善之善。有無善之善。無善之善。非惡。而何。無善云者。荀子之見。商韓之祖。



也。無善無惡云者。告子之見佛老之祖也。

道不明。纔在身心上用工。便墮入老佛道。不行。纔在事功上着脚。便流入管商。

學不明理。雖遷固之文。儀秦之辨。賁育之勇。般輸之巧。反爲心害。何濟於事。

楊墨流弊。至於無父無君。申韓流弊。至於弑父弑君。總是私欲用事。

從義起見。便謀利計功。不害爲公。從利起見。縱談仁說義。不害爲私。



靜○坐○不○是○閉○眼○合○眉○講○求○不○是○指○天○畫○地○  
講○以○身○心○方○是○學○講○以○口○耳○只○是○講○

學○不○聞○道○雖○胸○富○五○車○才○高○七○步○只○是○箇○末○學○雖○功○

彌○六○合○澤○及○兩○間○只○是○箇○私○意○此○詞○章○功○利○聖○賢○

所○以○鄙○而○不○道○也○

食○知○味○行○知○步○知○性○知○天○亦○不○外○此○

象○山○注○六○經○心○齋○治○總○經○見○解○一○般○

見○不○真○切○非○認○賊○作○子○卽○認○子○作○賊○

吾○儒○無○的○是○人○心○異○學○無○的○是○道○心○吾○儒○有○的○是○道○



心○俗○學○有○的○是○人○心○道○心○本○有○者○也○天○理○也○人○心○  
本○無○者○也○人○欲○也○本○有○者○不○可○不○有○本○無○者○不○可○  
不○無○本○有○者○有○則○本○無○者○自○無○本○無○者○無○則○本○有○  
者○自○有○若○本○有○者○無○則○本○無○者○反○有○本○無○者○有○則○  
本○有○者○反○無○學○者○亦○唯○有○其○不○可○無○者○無○其○不○可○  
有○者○而○已○若○一○槩○都○有○可○有○者○有○之○不○可○有○者○亦○  
有○之○吾○恐○可○有○者○未○必○有○而○不○可○有○者○未○必○無○也○  
若○一○槩○都○無○可○無○者○無○之○不○可○無○者○亦○無○之○吾○恐○  
可○無○者○未○必○無○而○不○可○無○者○未○必○有○也○蓋○本○有○者○



本○無○者○無○頃○刻○并○立○之○理○彼○有○則○此○無○此○有○則○彼○  
無○也○應○無○者○應○有○者○無○一○切○掃○除○之○理○應○無○者○固○  
不○可○使○之○有○應○有○者○正○不○可○使○之○無○也○但○當○明○辨○  
其○所○有○所○無○者○之○爲○何○如○而○後○知○槩○滯○於○有○者○之○  
病○於○雜○槩○淪○於○無○者○之○墮○於○空○也○

人○之○應○有○者○卽○其○本○有○者○也○應○無○者○卽○其○本○無○者○也○  
本○有○者○是○天○理○本○無○者○是○人○欲○吾○儒○所○恃○以○能○無○  
其○本○無○者○全○在○能○有○其○本○有○能○有○其○本○有○則○其○本○  
無○者○不○期○無○而○自○無○旣○無○其○本○無○則○其○本○有○者○亦○



不期有而自有乃自然之道也。俗學欲有其本有者。并○有○其○本○無○者○究○之○本○無○者○有○之○本○有○者○不○得○而○有○之○異○學○欲○無○其○本○無○者○并○無○其○本○有○者○究○之○本○有○者○無○之○本○無○者○不○得○而○無○之○俗○學○言○有○有○所○不○當○有○故○無○所○不○當○無○異○學○言○無○無○所○不○當○無○故○有○所○不○當○有○吾○儒○有○所○當○有○自○無○所○當○無○無○所○當○無○自○有○所○當○有○聖○學○俗○學○異○學○之○辨○端○在○於○此○然○則○一○有○一○無○之○間○顧○不○重○哉○

有其所應有。無其所應無者。吾儒也。有其所應無。無



其所應有者庸衆也。無其所應無。并無其所應有者。佛氏也是佛氏之說。不特超於庸衆。抑且高於吾儒矣。然而應有者。應無者。遞爲消長。中間不能容髮。二者斷無一時并有之理。亦無一時俱無之理。佛氏既取其所應有者。而無之。則其所應無者。卽欲無之。而不可得矣。而況乎未必欲其無之也。其所應無者。既不得而無之。則其所應有者。卽欲有之。而不可得矣。而況乎本不欲其有之也。是佛氏欲無其所應無者。并欲無其所應有者。到底只



無其所應有者不無其所應無者似超於庸衆而實等於庸衆似高於吾儒而實流於異類矣。本有是有善本無是無惡本體也有其本有是爲善無其本無是去惡工夫也說不得都有說都有世俗之見也說不得都無說都無異端之見也說都有到底不能都有依舊只有得惡不會有得善說都無到底不能都無依舊只無得善不曾無得惡有的自當說有無的自當說無只看這有的無的果奚若耳若有的是所應有無的是所應無應有



的○不○令○其○一○毫○不○有○應○無○的○不○令○其○一○毫○不○無○爲○  
聖○爲○賢○配○天○配○地○不○外○是○矣○

後儒好高就異炫巧鑿空聖經賢傳直等諸老生常  
談拘儒陳說漫不爲之畱意矣此所以畔道日遠  
而害理滋甚也

執定本遵成法守先王之道以待後之學者乃吾人  
人本分內事若自作見解分外穿鑿則貽悞後人  
得罪名教不小矣

聖賢不輕弃人不苟授人一以廣教一以重道也



日用細行皆有天則。賢者審處而不違。聖人從容而  
不過。有生熟安勉之分耳。

學者日用常行。一念之私便是伯。一念之公便是王。  
一念之僞便是伯。一念之誠便是王。不待事君使  
民措諸事業而後知也。

狂者過狷者不及。狂之入道也易於狷。其畔道也亦  
甚於狷。此夫子所以有歸與之嘆也。

狂狷似遠中庸而實相近。故可以入道。而聖人取之。  
鄉愿似近中庸而實相遠。故足以亂德。而聖人惡



之○近○遠○之○分○誠○僞○之○間○而○已○

狂○玩○世○狷○傲○世○鄉○愿○媚○世○

安○於○義○則○無○怨○尤○勇○於○義○則○無○瞻○顧○

存○諸○念○慮○不○雜○見○諸○踐○履○不○雜○發○爲○言○詞○不○雜○措○爲○

事○業○不○雜○可○以○爲○醇○儒○矣○

心○術○不○雜○則○學○術○不○雜○學○術○不○雜○則○治○術○不○雜○故○正○

心○爲○學○問○經○濟○之○本○

勇○於○改○過○善○莫○大○焉○巧○於○遂○非○惡○莫○大○焉○

聖○賢○教○人○只○要○知○得○善○是○生○來○本○有○的○爲○善○是○分○內○



應○該○的○有○所○本○有○爲○所○應○爲○斯○已○矣○

既無人倫又安有天德如證父攘羊以爲直避兄離  
母以爲廉禍理害道莫此甚矣

易之道剛柔進退不失其正而已老氏需要退步需  
要柔伏可謂得易之體乎

老氏以清淨柔弱爲體以權謀變詐爲用以退爲進  
以與爲取以無爲爲以不爭爭竊弄闔闢總歸於  
自利而已彼爲其學者流於刑名入於術數不亦  
宜乎



仲淹中說勝於子雲法言然其僭擬聖經不知而作  
則一也

言不切理縱錦心繡口祇爲悅人耳目之資程子所  
以此之俳優也

巢由之辭有天下之見者也舜禹之任無天下之見  
者也

堯舜之禪讓仁也堯舜之禪讓得人仁之至也

淡然無欲巖然有守

富於德者人不得而貧之貴於已者人不得而賤之



富貴不淫貧賤不移威武不屈者未見其人也

志伊尹之所志當自一介始學顏子之所學當自四勿始

學者動口便講國家利害談政事得失評前輩優劣論時人短長自家一箇身子偏不去檢點照管何其舍近而務遠重外而輕內也亦惑甚矣

唐虞咨傲吁咈是圖治卽是論學

今之學者未曾實落刻苦做得幾年真工夫只憑著殘編斷簡的話頭管窺蠡測的見識便倏然以斯



文○自○任○前○無○古○人○後○無○來○者○及○登○壇○講○論○非○亂○言○  
混○過○則○大○話○謾○過○彼○矇○瞽○之○流○方○且○推○爲○宗○匠○而○  
奉○若○筮○龜○一○遇○明○眼○人○則○本○色○畢○露○更○無○處○躲○閃○  
矣○夫○子○曰○蓋○有○不○知○而○作○之○者○孟○子○曰○人○之○患○在○  
好○爲○人○師○一○聖○一○賢○直○道○破○千○古○學○人○好○高○之○病○  
令○人○讀○之○毛○骨○俱○竦○

既○要○撐○乾○拄○坤○便○當○做○天○長○地○久○的○生○活○猶○屑○屑○焉○  
爭○目○前○毀○譽○較○世○俗○短○長○何○耶○

鄉○愿○嗜○欲○深○而○天○機○淺○狂○士○質○美○而○未○學○



只一念便利之私克之無所不至故患得患失之鄙夫卽弑父弑君之亂賊也

審幾於初動防患於未萌易曰履霜堅冰謹未然也月幾望戒將然也

有爲善之心而不務明夫所以爲善之理則忠孝或失之愚仁義或流於過是以君子貴學也

天地之大常亘萬世而不易所以範圍而不過也古今之通義隨時會而遞更所以曲成而不遺也範圍不過者中之定體經統乎權也曲成不遺者中



之○妙○用○正○通○乎○變○也○

恰○好○是○中○件○件○恰○好○是○時○中○

經○是○一○定○之○權○權○是○無○定○之○經○經○是○權○之○常○權○是○經○  
之○變○常○變○時○也○經○權○理○也○權○以○酌○乎○時○之○常○權○即○  
經○也○經○以○通○乎○時○之○變○經○即○權○也○不○一○者○時○至○一○  
者○理○無○定○者○時○有○定○者○理○不○一○者○以○至○一○一○之○無○  
定○者○以○有○定○定○之○所○以○先○天○而○天○弗○違○也○天○下○之○  
大○經○也○不○一○者○以○不○一○一○之○無○定○者○以○無○定○定○之○  
所○以○後○天○而○奉○天○時○也○天○下○之○大○權○也○經○即○是○權○



權○卽○是○經○顧○其○時○何○如○耳○

中○是○經○時○中○是○權○有○物○有○則○是○經○因○物○付○物○是○權○

易○有○二○義○一○不○易○一○變○易○不○易○者○體○也○變○易○者○用○也○

不○易○而○變○易○體○不○離○用○天○下○之○達○道○也○變○易○而○不○

易○用○不○離○體○天○下○之○大○本○也○此○卽○經○權○之○謂○也○

不○好○名○三○字○礙○於○驚○外○的○假○君○子○便○於○作○惡○的○真○小○

人○

君○子○不○好○名○是○不○表○襮○小○人○不○好○名○是○無○忌○憚○

世○人○開○口○便○謂○學○者○要○率○性○要○近○情○不○知○彼○之○所○謂○



率性乃是恣情縱欲。名爲率性。實則滅理所率者。非真性也。彼之所謂近情。乃是同流合污。名爲近情。實則徇物所近者。非真情也。真性者。天性也。天性卽天則也。帝之衷也。真情者。人情也。人情卽人理也。民之彝也。內焉戒慎恐懼。外焉規矩準繩。方是率性。小則曲成不遺。大則範圍不過。方是近情。豈世俗之云云者哉。

以禮爲僞。以肆爲真。以放僻爲圓通。以持守爲拘滯。以詩書禮樂爲糟粕。以綱常倫理爲情緣。以日用



常行爲末節。以規矩繩墨爲桎梏。虛誕猖狂。無所不至。不圖學術之弊。一至於斯也。

王門之有泰州龍溪。猶孔門之有顏曾二子也。泰州之學。一傳而爲顏山農。再傳而爲羅近溪。趙大洲。龍溪之學。一傳而爲何心隱。再傳而爲李卓吾。陶石簣。惑世誣民。日新月盛。斯其爲禍。雖洪水猛獸。不足比其烈矣。溯流窮源。實姚江提宗不善之故。卽欲稍爲之寬解。不可得矣。

聖賢千言萬語。論學只是遏欲存理。論治只是扶陽。



抑陰

理一分殊自然之禮分殊理一自然之樂

君子小人件件相反判若霄泥睽如涇渭然揆厥本原祇爭一念之公私而已

貪夫逐利烈士殉名其私心一也

爲學不期於孔顏爲治不期於堯舜皆自畫也

拂理則傷心是曰害仁違心則虧理是曰賊義

人立身兩間唯綱常爲重若大節有虧雖才技絕人勛名蓋世皆緒餘耳無足比數故夷吾之烈曾西



恥○不○屑○爲○仲○子○之○廉○子○與○鄙○不○足○道○然○世○人○每○舍○  
重○而○取○輕○明○小○而○暗○大○如○葉○公○以○證○父○之○過○爲○直○  
司○敗○以○隱○君○之○惡○爲○黨○皆○斤○斤○於○形○跡○之○末○而○昧○  
於○天○經○地○義○之○大○常○者○也○世○俗○之○難○與○言○大○率○類○  
此○

天○高○地○下○萬○物○散○殊○各○有○不○齊○之○則○各○有○不○一○之○分○  
聖○人○以○人○治○人○因○物○付○物○齊○以○不○齊○乃○所○以○齊○也○  
一○以○不○一○乃○所○以○一○也○如○吾○老○之○必○先○於○人○老○也○  
吾○幼○之○必○先○於○人○幼○也○伯○兄○之○必○異○於○鄉○人○也○鄰○



子之必異於兄子也。楚人之長視吾長有間。秦人之弟視吾弟有間。鄉鄰之救較緩於同室。其兄之道較切於越人。野人君子必不同其位。大人小人必不同其事。飲湯飲水必不一其時。巨屨小屨必不若其價。蓋天秩天敘。大經大綸。卽欲不如是而不可得也。聖人天下一人。四海一家。旣非爲我之私。親疎異施。崇卑異等。又無兼愛之弊。齊而治。治而平。由內而外。由近而遠。推之有漸也。親而仁。仁而愛。由厚而薄。由貴而賤。施之有等也。所謂理一。



而分殊仁至而義盡也。乃莊生取而齊之。許子比而同之。不亦異乎。

堯舜湯武之征讓。禹稷顏回之出處。微箕比干之生。死。曾子子思之去留。都是合該恁的。所謂時中也。

周公戒逸。召公陳敬。是千古事。冲主的樣子。

帝王之治本於心。帝王之心主於敬。

君心者。萬機之樞要。而萬化之權輿也。故王道必以正心爲本。

爲君者。當思天所以立君之意。爲臣者。當思君所以



任臣之意。君以天之心爲心。百執事以君之心爲心。期於仁愛斯民而已。

太陰五星。光有大小。皆借太陽之光以爲光。行有遲速。皆視太陽之行以爲行。近太陽則行急而盈。光晦而伏。遠太陽則行緩而縮。光生而見。太陽君道。太陰五星臣道。自然之理也。

得聖人之理。可以制作。得聖人之意。可以沿革。

天道有常有變。王道有經有權。各循其理。而天下平。



人主恐懼修省。祥莫祥於此矣。怠荒佚豫。災莫災於此矣。但當問人事之修否。不必問天象之禎異也。天人一理。貫通一氣。感召和致。祥乖致異。乃常道也。然人主恃祥而怠。祥亦爲災。遇災而警。災亦成祥。盛世亦有饑沴。末流常多符瑞。人主亦盡其在我而已。

治曆授時。敬天勤民之首務。爲政者所當盡心也。曆法至爲繁賾。其緊要處。只在得太陽盈縮之真限。一切加減增益。皆從此起。此處差則無不差。合則



無不合。

由漢以來造曆者七十餘輩立法者十有三家求其理明數著精密脗合者僧一行之大衍郭守敬之授時而外則未之槩見也。

步算之法莫緊要於日行莫繁難於日食。

交食者曆法疎密之證交食不差則朔望不差朔望不差則節氣不差二分二至又一歲之關鍵四時之樞紐也二分二至不差則二十四氣七十二候亦自無大差矣。

歲差之法。舊法是太陽退數。新法是經星退數。舊法換宮兼換宿。換太陽宮不換經星宮。新法換宿不換宮。換經星宮不換太陽宮。其數雖不殊。而理則大相逕庭矣。

新法之最奇者有四。觜參顛倒一也。節氣那移二也。歲差環轉三也。歲實參差四也。之四者。有識之士皆能辨之矣。至謂天有經緯。地亦有之。二曜有經緯。五星亦有之。如視差。氣差。里差等法。殊爲細密。可補舊法所不及也。



新法千條萬緒○究竟不過高卑二字○高減卑加一法○其作表立式○都是一箇套子○

測以多邊三角形○視舊爲繁○算以割圓八線表○視舊爲簡○

舊法以二至爲主○新法以二分爲主○舊法以赤道爲主○不論黃道○新法以黃道爲主○兼論赤道○立法之不同○大要在此○

賢不肖無并進并退之理○小往則大來○大往則小來○否泰剝復○自然之道也○

所應非所求。所學非所好。君臣遇合之難。自古然也。謂其君不能者。不敬其君也。謂其君不能而舍所學。以徇之。不敬其身者也。

寬以養國家之元氣。嚴以鼓國家之神氣。循資格以盡庸才之用。破資格以盡奇才之用。皆千古不易之論也。

世亂而無守。世治而無爲。其人可知矣。天德王道一以貫之。



開通錄

卷下

三

閑道錄後序

孔子集列聖之大成尚已戰國之世  
處士橫議日趨天下於淫邪岌岌乎  
乾坤或幾於熄矣子輿氏毅然特出  
爲之稱說仲尼正其回慝幾希之一  
綫賴以不絕功豈遽出禹下哉道也



者率性之謂也性無乎不備道無乎  
不存離之而不得悖之而不可俗學  
支焉異學叛焉自支耳自叛耳烏能  
支道叛道耶孟氏既歿邪說蠭起荀  
況造端於刑名楊雄開基於讖緯而  
老佛之徒始得乘覺構隙以簧鼓其

說於當世猖狂幻怪反若有出乎吾  
儒之上者斯其禍吾儒也尤烈清譚  
麈尾日浸月淫江都昌黎相望於千  
百年之間卒莫能犁其庭而搥其窟  
軻之死不得其傳焉是誠不得其傳  
也已迨有宋真儒輩出斯道大明然



而象山之燈慈湖之焰固隱然在也  
不數傳而大義乖亡微言湮落新建  
龍谿之說充塞泛濫於有明之世宙  
而莫之可挽大壞極敝沿迄于今斯  
其爲患視洪水猛獸何如哉敬修先  
生固彼蒼篤生爲今茲之孟氏者也

先生功業文章表著海宇無遠邇賢  
愚靡不皈服瞻仰奉爲楷模名生東  
吳菰莢中二十五年矣方兒童時即  
耳先生名顧無由得及於門也今年  
冬買舸而南涉湘沅陟衡岳渡洞庭  
徘徊於赤髀鄂渚之間遂擔簦攜卷



謁先生於黃鵠磯頭先生鼓琴初罷

莫我教也名固知先生之莫我教也

然是乃所爲教已名既退寓居荒寺

焚香危坐者幾宵旦始悔從前習氣

何莫非自誤自欺者之爲一切痛洗

而大懲之浩浩然蕩蕩然盖不啻沉

痾之忽脫諸體也他日復拜先生於  
晴川吟風弄月先生其許我矣先生  
則曰唯唯否否道若大路率而由之  
難乎哉雖然有辨爲是爲非爲同異  
如黑白泥霄之莫可混淆察識而明  
辨之又難乎哉嘻是乃所爲教已因



於同人所覓得閑道錄讀之乃知先生之所爲道大中至正極深研幾鉅  
包無際細入無倫用備體全百慮一  
致愚夫有所不能外聖人有所不能  
盡大矣哉至矣哉列聖之真傳斯文  
之的派在是矣至其憂道之深心衛

道之苦衷則端以訂百家闢二氏爲  
已任其於似是而非疑同而異之辨  
斷然無少寬假焉孟子曰我亦欲正  
人心先生曰我亦欲維世道夫世道  
之不晦即人心之不死也嗚乎先生  
之言其子輿氏之言先生之心其子



輿氏之心乎是錄也爲先生著述之  
一種年來海內誦習尊若筌龜坊間  
急於剗剗頗疎校訂字句舛訛題跋  
冒濫殊失先生立言明道之意茲同  
人覓得真本再三讎校新付梨棗用  
公同志名非能讀是書者也然幸而



及先生之門與聞緒論之萬一則亦  
烏可以無言爰薰沐拜手颺言簡末  
以就正有道云

告

康熙十年歲次辛亥仲冬穀旦江左  
布衣受業門人洪名拜書於漢水



之許









